



UNIVERSITÄTS-
BIBLIOTHEK
PADERBORN

Universitätsbibliothek Paderborn

Panegyricus Ludovico Magno Batavorum Victori

Letrosne, Jean-Baptiste

Parisiis, 1673

urn:nbn:de:hbz:466:1-12267

XI. 37.

Th. 5796.

XI
23

PANEGYRICUS
LUDOVICO
MAGNO
BATAVORUM VICTORI

DICTUS

Lutetiæ Parisiorum in Collegio Claromontano

VI. Non. Octob. an. CIC. IOC. LXXII.

A JOANNE BAPTISTA LETROSNE,
Societatis JESU Sacerdote.



P A R I S I I S

Excudebat SEBASTIANUS MABRE-CRAMOISY,
Regis Typographus.

M. DC. LXXIII.

C U M P E R M I S S U

PANEGYRICUS
LUDOVICO
MAGNO
BATAVORUM VICTORI

Permis d'imprimer. FAIT à Paris le 9. Janvier 1673.

Signé, DE LA REYNIE.

Tuncius Parvulum in Collegio Chilonianus
A. Non. Ogoop. ap. C. D. 16. DC. LXXIIII.
A. JOANN. BAPT. A. F. TROISI
Sociorum Iesu 7. menses.



P A R I S I I I

Excudeps Sebastiane Marre-Gramoiss
Regis Typographie.

M. DC. LXXIIII.

C. M. U. E. R. M. I. 2. 2. 2.



PANEGYRICUS
LUDOVICO
MAGNO
BATAVORUM VICTORI
DICTUS.



OLENNIS hic primus illuxit
Academiae nostræ dies, VIRI
ILLUSTRISSIMI, ex quo
Gallia de hostibus, Religio de
hæreticis, de utrisque LUDO-
VICUS MAGNUS, domitâ Bataviâ, trium-
phavit. Cujus adeò incredibilis triumphi fa-
mâ excitatæ gentes omnes, cùm victoris no-

A

men virtutésque, non nosse solūm, sed laudibus etiam ornare gestiant: an flagrante publicis gaudiis totâ Galliâ, Europâ gratulante, Orbe terrarum applaudente universo, uni oratores conticescerent? Me quidem, qui nec eloquentiâ satis, & ingenio parum possum, cùm rerum à Rege præclarè gestarum inaudita magnitudo ab oratione deterret; tum si singula, quæ nec rerum universitas nunc capit, nec capiet posteritas, brevissimo spatio temporis complecti me dicendo oportet: sermonem institutum abrumpere, putaremque inter tantam, tamque insolitam trophæorum, monumentorūmque claritatem, nec mihi, nec oratori cuiquam disertissimo locum esse. Sed me dicere incipientem ad se se rapit Galliæ victoris Religionisque gloria; quam ego, nisi haberi parūm pius in utramque velim, tacitus præterire nullomodo possum. Cogit Regia Majestas ab importunâ Batavorum ferocitate vendicata; cuius injuria, ut ad omnes Gallos pertinuit publicâ justissimi doloris atque iracundiæ significatione, ita ultio jure armorum repetita, postulat & communem & publicum esse sensum lætitiæ gestientis. Denique me recreat & reficit non imago solūm triumphantis Regis, sed ipsum etiam nomen LUDO-

VICI, qui dum ubique à me MAGNUS vobis repræsentabitur; si fortasse minùs expectationi vestræ respondero, tenuitatem orationis meæ amplitudine suâ, splendore, dignitate compensabit.

Patere igitur, REX INVICTISSIME, ut quemadmodum Deus uno eodemque verbo se, quantus est, omnino comprehendit; sic te, quem præcipue MAGNUM probat belli Batavici gloria, hoc unico nomine proponam omnibus gentibus & posteritati aspectabilem. Quâ laude, quamvis, ut videtur, nihil sit brevius: nihil tamen profectò, ne supremi quidem ad commendationem Numinis, esse magnificens potest. Nec enim eum Regem appellari Magnum meritò putamus posse, in quo summa omnia non fuerint Regiæ Majestatis ornamenta. Quamobrem erit vis tanta hujus tui gloriosissimi nominis; ut hoc qui legerint, audierint, sermone usurpaverint, ii tua divina facta, tuas victorias, tuos triumphos, & loqui, & audire, & tanquam in speculo cerneret, sibi videantur. Omnes quidem anteà qui à te meminissent extincta civilium bellorum incendia, regnumque tuis sapientissimis legibus constitutum, te Regem Pacificum, te Patriæ Parentem, te Principem Optimum, te

A ij

Religionis Defensorem, alii aliter appellandum esse contendebant. Atque hæc magnifica sanè sunt, tuisque magnis virtutibus debita nomina; sed tibi cum multis communia: aliquid autem tua singularis præstansque virtus sibi maximè proprium vendicabat. Quare domitis debellatisque Batavis, ipsa victoria non Gallis solum, sed omnibus etiam gentibus, quasi signum aliquod sustulit, ut te communi animorum consensione M A G N U M appellarent. Acquiesceret deinceps posteritas in eo nomine, in quo qui oculos defixerint, alii exempla fortitudinis, quæ sequantur, alii sapientiæ atque religionis, alii clementiæ; omnes maximarum virtutum expressam imaginem recognoscent. Acquiescit verò præcipue nunc temporis Religio; acquiescunt Galliæ ordines omnes, qui sibi nec uberiorem unquam, nec gloriofiorem victoriarum segetem obvenisse recordentur.

Hoc enim contendo, Auditores, cùm nunquam anteà per Reges Christianissimos, aut Gallia de hostibus suis gloriosius, aut Religio de hæreticis magnificentius triumphaverit, Regem bello contra Batavos feliciter gesto jure M A G N U M appellari. Quod dum ostendam breviter, ut me dicentem benignè, attentèque

P A N E G Y R I C U S.

audiatis, & Regis, & Galliæ, & Religionis
dignitas quasi suo jure postulat.

Quonam fato fieri dicam, ut qui hactenus Imperatores gravissimo antiquitatis judicio MAGNI præcipue appellati sunt, ii non nisi jure armorum, quæ ferro, cædibus, incendiis funestissima esse solent, hoc magnificentissimum nomen fuerint consecuti. Triumphavit enim de Persis Alexander; triumphavit Cneius Pompeius de Hispanis: Constantimum etiam accepimus de Maxentio triumphasse; Theodosium de Afris, Sarinatis & Alemannis; Carolum de Longobardis & Saxonibus; denique de Gallis rebellibus Henricum Quartum. Quorsum hoc divinum nomen, cuius in societatem fortissimi Viri & summi Imperatores venerunt, esse oportuit, & fructum cruentissimæ victoriæ, & domitarum gentium quasi vectigal sempiternum? Hoc nimirum ita accidit, quod fulmina bellica, fremitus armorum, tubarum sonitus, apparatus militaris, expugnations urbium, dum potentiam, & majestatem, & divinitatem quandam victoris Deum fulminantem imitantis, præ se ferunt; metum, venerationem, admirationem animorum concitare videantur. Idque præterea etiam facit natura rei belliæ, quam furor armorum terribilem, partium

A iij

utrinque dimicantium potentia maximè arduam, incertissimi pugnarum exitus ancipitem declarant. Quemadmodum enim in Navium gubernatore quām sit diligens perfectaque ars navigandi, eò certiorem facimus conjecturam, quò tempestates, quas rei maritimæ scientiā eluserit, sæviebant vehementius: ita Imperatoris virtus quanta sit, & anceps fortuna belli, & atrocissimæ armorum tempestates, demonstrant. Etenim ut armis hostium fortissimorum potentia comprimatur, cùm singularis in comparando bello sapientia, incredibilis in gerendo magnitudo animi, summa in conficiendo felicitas, requiritur: tum hæc tria, si perfectè in unum eundémque virum cadant, est profecto magnum aliquid ac penè divinum.

Hoc igitur fato Respublica Batavica, opibus atque armis potens, LUDOVICUM Regem ad bellum provocavit, ut pugnanti victorias, victori triumphos, triumphanti nomen, quo nullum aliud fingi excellentius potest, tandem aliquando appararet. Atque ut primūm intelligatis, tantūm inde nobis Gallis partum esse gloriæ, quantūm nunquam olim anteà obtigerat: perpendite, quæso, mecum, quibus, quantisque opibus, quantâ rei maritimæ famâ, quām gravi apud omnes gentes autoritate Batavo-

rum natio niteretur; tum quām sapienter, quām strenuē, quām feliciter, gentem potentissimam Rex domuerit, cognoscetis.

Batavi quidem primū, si nascentis Reip. originem inquirimus, parum armis atque opibus poterant, multū fastu & audaciā. Nam quō promptiūs, validiūsque iniquissima Reipubl. constituendæ consilia corroborarentur, (sive hoc ipsum ambitiosā quadam rerum novarum cupiditate, sive illorum iniquitate temporum, quibus nationes ferè omnes cæco quodam impetu ad arma convolabant, sive luctuoso aliquo alio fato acciderit,) ii & Philippi Regis, & Ecclesiæ Romanæ autoritatem excusserunt, ut Regis & Religions deposito jugo, terrā marique tanquam prædones sine Rege, sine Lege, sine Religione, sine Deo, impunē grassari velle viderentur.

Quid non audeat & possit meditata rebellium populorum temeritas, si quando nec humanis, nec divinis Legibus coérceatur? Audacia superbiam, superbia auri atque argenti cupiditatem; cupiditas, superbia, audacia, effrænatam regnandi libidinem tam repente in Batavis concitarunt, ut ii (quæ superiorum querela temporum fuit) perturbationibus ejusmodi quasi furii agitati, per maria omnia, terrasque omnes,

nullis certis legibus astricti volitarent, spe jam atque animo utriusque Indiæ divitias, Imperiorum omnium majestatem, immortalitatem nominis, hac sibi propositâ Reipublicæ imagine præsumentes.

Quare opibus tantùm posse cœperunt, ut jam non naves, sed classes; non Urbes, sed Regna; non Colonias, sed Imperia, ubique gentium numerarent: tantùm verò armis & rei maritimæ scientiâ, ut primùm cum Hispanis, deinde cum Lusitanis, tum cum Barbaris, postremùm cum Anglis, de maris imperio dimicarent, sæpius victores, raro admodum victi, Persis, Indis, Japonibus, superiores. Denique tantùm autoritate poterant, ut veteri Reipublicæ Romanæ exemplo cùm se Regum arbitros palam & impunè jactitarent; tum Haga, quò Legati undique à Principibus confluabant, quasi mens quædam publici omnium gentium consilii, Amstelodamum verò omnium Indiæ atque Europæ divitarum sedes, Batavia ipsa vulgo Reipublicæ absolutissimæ imago crederetur.

Ac quoniam homines in altissimo gloriæ loco positi raro admodum consistunt, séque blandienti fortunæ permittunt intemperantiūs, neque aut superiorem pati quemquam, ac ne parem

parem quidem possunt. Batavi, quibus regium nomen visum semper anteà fuerat Reipublicæ inimicissimum, cùm sæpenumerò Regibus, ne quid eorum dignitas incrementi acciperet, bella olim gravissima intulerunt ; tum recèns in LUDOVICUM, cuius in dies autoritas potentiáque augebatur, partim maledictis, partim privatis publicisque litteris, partim per Legatos Europam concitarunt universam. O labem superiorum temporum ! Est inventus ante hanc ætatem nemo, qui hanc audaciæ arcem, hoc superbiæ propugnaculum, hunc regiæ majestatis scopulum, ne quid atrocius dicam, aut rescinderet omnino ; aut multiplicis hujus capitis immanem potentiam coërceret. Quanquam id ne Majorum nostrorum vitio tribuatur, quod est necessitati fortasse tribuendum ; aut hujus rei potestas, credo, semper anteà defuit ; aut fuit vis illa fatorum, à quibus sua sunt Imperiis certa quædam constituta tempora, præscriptique limites ; aut, si magis placet, hoc ipsum utrumque in causa fuit, cur omnes ab expugnationis Batavicæ consilio deterrerentur.

Atque ut quanta inesset in re difficultas, oculis subjiciatur ; quid facias istis hominibus, quos terrâ, marique adire si velis, vix audeas tamen, aut etiam possis ? Qui si mari

B

oppugnabuntur , continuò navium sexdecim millia , quæ nunc habent , tanquam vultures ad certam prædam paratissimi ex omnibus oris advolabunt. Si terrâ erunt ad eos transportandi exercitus ; quot figendi gressus fuerint , tot etiam arces erunt , tot urbes , tot propugnacula , paludes , lacus , fluvii , maria superanda : ut ea regio terrarum situ , Oceano , Sideribus , Cælo ipso , defensa esse videatur. Hæc igitur altera Troja Achillem , hæc Carthago Scipionem , hæc Roma Cæsarem cùm postulabat , tum expugnatio Batavica uni debebatur LUDOVICO , quem sua divina virtus , & mari , & terris , & astris , quodammodo præficiebat huic rerum universitati regendæ jamdudum parem.

Et verò Rex cùm per summam injuriam esset à Batavis laceffitus , venit , vidi t , vicit . Nimirum , ne quid retardatio de Regiâ dignitate detraheret , venit tandem , primûmque , si potestis , considerate venientem , qui cursu aquilam , erumpentem ex alveo fluvium celeritate , vim fulminis impetu superavit . Vidi t prätereà hostem , & quidem iis oculis , aut quodam quasi lumine vidi t , quo sol ipse fulgura , tonitrua , tempestates excitat , improbis , rebelibus , orbi terrarum universo , formidandas .

Vicit verò , quod incredibile dictu est , instar
vehementissimi cuiusdam turbinis , & montes,
& sylvas , & propugnacula , & arces , & urbes,
uno eodemque tempore pessundantis . Videli-
cet eò Batavi gloriæ venerant , REX INVICTIS-
SIME , quò præcipites ruerent altius ; nos ve-
rò Duce te sublimius evheremur . Se Regum
omnium arbitros , se rerum atque fortunarum
moderatores prædicabant ; quò tibi Victori glo-
riosorem triumphum captivi adornarent . Per-
fas opibus , Turcas potentiam , Romanos tum au-
toritate , tum rei maritimæ famam , vincere se glo-
riabantur ; ut Persis , Turcis , Romanis , supe-
riores auspiciis tuis Gallos victi aliquando
agnoscerent . Et dubitatis adhuc , Auditores ,
eum Regem appellare M A G N U M , qui domitis
debellatisque Batavis , nominis nostri gloriam
in luce orbis terrarum collocavit .

Nunc enim quantum sapientiam , quantum
fortitudine , quantum felicitate possimus , &
intelligunt gentes omnes , & intelligendo ex-
timescunt .

Atque ut de Regis sapientia in comparando
bello primum dicam ; tum profecto bellum ge-
ritur sapienter , cum seu diligentia , seu consilio
atteritur hostium potentia , calliditas solertia su-
peratur , infringitur autoritas industriæ : geritur

Bij

etiam prudenter, cùm latent consilia Imperatoris, quæ si magna erunt, eaque occulta, admirabiles eventus consequuntur; si nulla, metum tamen & expectationem concitant; sin ardua simul, & manifesta, evanescunt.

Erat Respublica Batavica opibus potens; quis atterat? Erat vi consiliorum callidissima; quis illudat? Erat non autoritate suâ solùm, sed Regum etiam sociorum, ac præsertim triplici societatis initæ vinculo metuenda; quis Alexandrum Magnum imitatus, nodum ejusmodi, quo vis fatorum tenebatur, aut expeditat omnino, aut rescindendo eludat? Atteret, eludet, infringet **LUDOVICUS** Magnus, qui Alexandro prudenter, Ulysse solertior, Cæsare nihil inferior, quò minatur minùs, eò gravius aliquid majusque meditatur. Silet quidem diù multumque, & absque ulla iracundiæ significatione silet: sed silentium Regis sapientissimi, & sapienter irascentis, exhorrescite, Batavi. Quò vis caloris in terræ visceribus est occultior, eò cùm exardescere primùm cœperit, ardentius in ignes atque incendia, latius in agrorum ruinam, luetuosiùs in cladem populorum erumpit, nullâ re posteà potius, quam domorum, arcium, montium, sylvarum, civitatum eversionibus, manifesta. Nec atrocius unquam sœvit tempe-

itas, quām cūm pacato anteā & sereno cælo
repentē concitatur. Rex igitur tūm cūm Ba-
tavi procaciūs exultabant, & iratus & pacificus
quodam quāsi leonis formidando silentio tan-
diū conticuit, quandiu pacem, cuius autor
fuerat, potuit cum dignitate retinere. At post-
quām intellectum est tam singulari patientiā
corroborari hostium audaciam, exarsit tandem
inferendi belli ardore, jāmque armorum repen-
tino rumore, quo gentes omnes concitatæ sunt,
hostes atterere ita cœpit, ut penè omnis apud
eos mercatura, quā plurimūm possunt, con-
quiesceret. Ita illusit, ut quónam rueret vis,
tempestásque armorum, et si posteā senserint,
minùs tamen anteā homines sagacissimi præ-
viderent. Ita verò autoritatem infregit, ut An-
glos, Suecos, Rhenanos Principes à Batavo-
rum societate distractos sibi omnino per Lega-
tos conciliaverit.

Itaque hoc tantum fœdus, quod Reges
potentissimi componebant; quo cursus, ut
dictitabant, retardabatur Solis; cuius tri-
plex vinculum auri Batavici vis magna
astringebat; contemplante è Germaniā Impe-
ratore, trepidantibus Hispanis, Batavis fre-
mentibus, est omnino dissolutum. Proh Deus
immortalis! tantámne unius hominis penè di-

B iii

vina sapientia tam brevi tempore lucem afferre rebus nostris potuit, ut qui modò Principes jugulis nostris, ne quid moliremur, mucronem intendebant à Batavis excitati ; ii nunc contra Batavos & arma, & classes horatatore LUDOVICO converterint ? Quid non moliatur deinceps Rex armatus, cum inermis & pacificus tantum possit !

Atque ea studia populorum, eásque Principum voluntates, dum foris per legatos LUDOVICUS regebat, rerum omnium atque animalium sapientissimus moderator ; ipse domi Bataviam in tabulis descriptam tanquam uberrimum victoriarum campum oculis usurpabat ; suásque ipse priùs legebat pugnas, & victorias, quàm aut pugnaret, aut vinceret, aut etiam pugnare ac vincere velle fortasse putaretur. Ornabat classes, transportabat exercitus, instruebat aciem, oppugnabat urbes, temporum, fluviorum, locorum, opportunitates perscrutabatur, certissimam quandam belli gerendi scientiam, partim ex rerum præteritarum memoriâ, partim ex præsentium imagine, partim ex futurarum conjecturâ, mente atque cogitatione complexus. Quæ diuturna meditatio erat quasi hominis in supremo monte positi ; qui divino spiritu affla-

tus , tempestatum conversiones , Imperiorum fata , fortunarum mutationes in astris spectator scientissimus speculatur. Quo tamen contemplatore otioso sapientior in eo Rex fuit , quòd fata legeret Bataviæ non speculator solum , sed etiam arbiter & moderator , providentiam imitatus supremi Numinis , de mundo , antequam produceretur , ita cogitantis , ut hoc divinum opus quasi ludendo posteà profunderet.

Quare mirum videri non debet , quòd Rex in eo tanto exardescens belli strepitū , qui posteà excitatus est , inter tot Civitatum expugnationes , in tantâ negotiorum mole nihil unquam egerit temerè , nihil per inconsiderantiam , nihil per præcipitem animi motum , omnia autem in perpetuo victoriarum cursu sapienter & moderate. Nimirum hoc divinitùs acceperat , eum esse sapientissimum Imperatorem oportere , qui astris , hoc est animis , atque animorum perturbationibus dominetur. Dominabatur autem ita , ut nunquam aut copia rerum major , aut severior disciplina militaris , aut prudentior Ducum atque Præfectorum delectus , aut constantior voluntatum atque animorum consensio fuerit. Ferebantur uno eodemque impulsu du-

centa ferè hominum millia , sive castra move-
rentur , sive conquiescerent , utpotè à L U-
DOVICO MAGNO , tanquam ab uno ca-
pite , atque mente , sapienter temperata . Neque
astrorum , etsi multiplici cælestium mentium
virtute agitentur , aut ortus magis rati , aut
cursus certiores videbantur . Rex enim à quo in
numerofissimum exercitum motus omnis profi-
ciscetur , omnia regebat , omnia intelligebat ,
omnia prospiciebat , ut animus , mens , caput
cæterorum , ita domesticum juxta ac publi-
cum oraculum ; cuius vim , atque perspicia-
ciam præsertim in coetu de rebus bellicis ha-
bito , dum ipse belli fortunam nutu , consilio ,
gravitate , moderabatur ; & veterani milites , &
Præfecti castrorum , & Duces admirati , aliis qui-
dem , ut in re bellicâ prudentiæ fastigium asse-
querentur , consenescendum esse prædicabant ,
Regi verò , sicut oraculis , nullos ætatis gradus
esse constitutos , Solique , sive oriatur , sive
occidat , constantissimum esse humen & maxi-
mum .

Quanquam cùm Rex implicatissima expedi-
tè , obscurissima quæque sine ambagibus , multa
paucis explicaret ; non illum cum oraculis ,
quæ ambigua esse solent , sed cum Deo , qui
multa & ardua tam breviter , quàm dilucidè
compre-

comprehendit, conferendum esse puto. Quæ laus singularis sapientiæ, si vobis suspecta videbitur; milites, tribunos, duces, qui divinum illum virum non viderunt solum, sed etiam audierunt, interrogate. Hoc omnes testantur, hoc prædicant, Regem plus vidisse, quam reliquos imperatores; tantamque sapientiam non humano aliquo consilio, sed divinitus traditam accepisse. Quare deleta est illa macula superioribus bellis suscepta, quæ jam infelicitat, ac penitus inveteraverat in nostro nomine; nos temeritate plurimum, prudentia & fortitudine parum posse: nunc tandem sintne prudentiores Galli, an fortiores, & disputant inter se gentes omnes, & posteritas ipsa, mihi credite, disputabit; vos vero de fortitudine dum dicam, constituite.

Quod ut facile perspiciatis, Auditores, quam grave, quamque pericolosum bellum Batavicum esset, recordamini; dum ego, ne singula dicendo persequar, confusam quandam præliorum, victiarum, triumphorum, imaginem repræsento. Erat Gallis iter faciendum inter nationes nobiscum quidem sociate conjunctas; sed tamen plerumque invidas alienæ gloriæ, sibique in tanto belli apparatu fortasse metuentes. Erant per Mosam,

C.

& Rhenum, & loca difficillima, deducendi
quatuor exercitus. Trajectum superius, ubi con-
stiterant hostium copiae, quo ve ruere armorum
procella putabatur, adeo munita omnibus
præsidiis civitas, adeo ferox videbatur, ut alii
fossas Gallis morituris designarent; alii ferrum
acuerent non nisi multiplici cæde satiandum;
alii se ad prædam potius, quam ad bellum ge-
rendum compararent; omnes dictitarent palam,
hanc tantam vim, hos fluctus, hanc belli tem-
pestatem, Traiectensi arenâ compescendam.

Quid expectatis, Auditores, aut quid ego im-
moror? Rhenobercam, Emmericam, Orsojam,
Vesalam, munitissimas civitates, primo belli
impetu uno eodemque tempore obsessas, op-
pugnatas, captas, in conspectu Traiectensis ci-
vitatis, unde tanquam è speculâ Batavi suo-
rum deditio nem stupore defixi cernebant, co-
gitate. Nimirum nova obsidendi ratio terruit
obsessorum hostium oculos, qui quocumque
incidissent, pristinam oppugnandi consuetudi-
nem desiderabant. Non enim ut antè, aut vallo,
aut fossa, aut aggere, cinctus erat exercitus; sed
milites sub ipsis statim collocati mœnibus ci-
vitatum, ne galea quidem & thorace muniti,
ferrum manibus, flamas oculis, cædem vul-
tu, denuntiabant. Non homines, sed leones

videre sibi hostes videbantur, quos suum ro-
bur fortissimos, aspectus terribiles, impetus
victores, vel ante pugnam præstaret. Videbant
inde Turenæum adventantem, hinc fulminan-
tem Condæum, illinc Aurelianensem Ducem
in muros irrumpentem, ubique LUDOVICUM
M A G N U M, ut in adeundis periculis constan-
tem, in subeundis intrepidum, mortis & vitæ
contemptorem; ita nihil à cæteris, nisi majesta-
te atque virtute discrepantem; Gallos nihil non
ausuros hoc tanto Duce, nihil iisdem Gallis
diamicantibus non posse tam strenuum Impe-
ratorem. Quare ultrò se dedere, quam pugna-
re temerè & turpiter vinci cum maluerunt,
tum improvisâ illâ quatuor munitissimarum
civitatum ditione sensit primùm Batavia
victorem Regem, audiit Europa, gentes om-
nes suspexerunt.

Prælusit tamen duntaxat L U D O V I C U S
M A G N U S huic tragœdiæ, quam Batavi risu
petulantissimo excitatam, nunc vellent æternâ
oblivione sepeliri. Jamque Rex, quoniam esse
Batavia videbatur quoddam quasi theatrum
magnis actoribus, & spectatore terrarum orbe
dignissimum, cœpit eam in primo limine per-
sonam agere, quam deinceps æternitas semper
intueatur. Quamobrem nova pericula, novos

C ij

labores, novum triumphandi argumentum, animo meditatus, Vahali & Mosâ incredibili celeritate superatis, Cliviensi Ducatu non tam passibus, quam victoriis peragrato, in Rheni littoribus castra posuit.

Obstupuit Europa cum magnitudine consilii, tum rerum futurarum expectatione, vehementer commota: pendebant enim ex trajectione fluvii fata Batavorum & nostra. Erat ejusmodi flumen, quod undique aggeres, propugnacula, insulæ, tuerentur: atque illuc, quemadmodum in pectore, si sit mortis periculum, se sanguis omnino colligit, ita Reipublicæ periclitantis copiæ omnes confluxerant.

Stat igitur Rex, stat LUDOVICUS MAGNUS in littore: inde verò obstat Resp. Batavica, rerum domina, gentium victrix, Regum ferè omnium arbitra: fluit inter utrumque Rhenus, ut victoriæ merces, ita victoris famam in Oceanum atque in extremas Indiarum oras fluctu quasi vectigali delaturus. Age verò, REX MAXIME, quam tu dete, quam de nobis expectationem concites, attentè considera. Iisdem enim vestigiis, quæ Cæsar olim, quæ Drusus, quæ Germanicus, cæterique duces maximè strenui impressa reliquerunt, cum altiori quâdam

mente præditus insistis, tum superiorum omnium sæculorum gloriam, & præsentium invidiā temporum, & posteritatis gravissimum iudicium, videris, velle unus quodammodo sustinere. Atque inde Rhenus, etsi non suo nomine minūs, quām ducum illorum præstantissimorum famā, ubique gentium jam prædicitur: in posterum tamen aut Gallorum clade, aut victoriis tuis, toto terrarum orbe celebrabitur, Ponto, Eridano, Euphrate, illustrior. O flumen Galliæ Bataviæque juxta metuendum, alterutri profecto fatale, unius LUDOVICI MAGNI fortunæ expetendum!

Perterretur animus, Auditores, hujusque trajectioni fluminis exponendæ minimè par, id se posse dicendo diffidit, quod factis præstare nemo audeat, nemo nisi Gallus possit. Quòd olim Cæsar pontem construxisset, quā legiones Romanæ Rhenum trajicerent, omnibus annalium monumentis commendatur: fortiores verò sunt Galli, quām, ut aut ponte, aut scaphis, aut navibus, Duce LUDOVICO, indigeant. Immittunt se præcipites in aquas, armaque dentibus & manu prætendunt, de legionibus Romanis singulari fortitudinis exemplo, de Batavis injecto terrore, de aquis ipsis vel ante pugnam triumphaturi. Non Dux

C iiij

agminis Grammontius, non Princeps Vindocinensis, non Vivonius, non Coalinus, non Subisius, non Lesdiguierius, Nantulietius, Salartius, aut aquarum, aut fluctuum furore retardantur; sed aquis & fluctibus fortiores, cum Cavinio, cum Salesio, cum Beringentio, Dambræo, Nogentio, Briolo, Guitrio, vim vi repellunt, vehementius adnatant, gloriiosius emergunt.

Itaque, Rheno superato, tanta exarsit pugnæ & gloriæ cupiditas, ut jam nihil milites, nihil tribunos, nihil duces, ne imperatoris quidem jussa coërcerent; tantus ulciscendæ patriæ amor fuit, ut nemo aut sine vulnere, aut sine victoriâ, aut sine utroque redire ad patriæ parentem vellet; tanta vis armorum fuit, ut hostes è cælo tonitru, ex aquis monstræ, ex inferis flamas perfidiæ vindices, ruere in Bataviam suspicati, terga cum ducibus continuò converterint. Silete nunc demum superiorum temporum laudatores; cedite, marmora, æra, monumenta litterarum omnia, cedite: qui LUDOVICUM imperantem, qui Condæum cum Enguinæo Duce in hostes irrumpentem, qui Grammontium cum flore nobilitatis modò aquis innatantem, modò cum equitatu in Batavos involantem conspexerunt, ii

nihil à Romanis , nihil à Macedonibus , nihil à Persis , gestum unquam fortius fuisse , ne hoste quidem repugnante , prædicabant ; Gallosque eos esse , qui ad terrarum imperium occupandum , Duce LUDOVICO , nati esse videantur .

Trajecimus tandem aliquando Rhenum , Auditores , emersimus , evasimus ; Batavia non item ; quæ ut suos conspexit sudore madentes , præcipiti fugâ perterritos , metu exanimes , & corruit ipsa pené , & uno eodemque die confenuit , in aquis naufraga , captiva in proprio solo , ubique brevi tempore moritura . Non suspiria tamen , non gemitus , non lacrymas , quæ sunt humanitatis atque mansuetudinis indices , imago impendentium calamitatum expressit ; sed instar hydræ frustrâ reluctantis partim sibilis , partim exertâ linguâ , partiū fremitu horribili , Herculi victori minitabatur .

Rex verò , ne fructum amitteret fortitudinis atque victiarum , arces , urbes , propugnacula , Reip. morientis superbissima capita , tam celeriter , quam strenue , ferro flammisque invasit . Nulla enim ferè arcis obsidio , nulla expugnatio urbis fuit , cui non interfuerit ipse , modò pedes , modò in equo ; in vallo miles , dux in agmine , in exercitu imperator , ubique

MAGNUS. Ut etiam in multis, atque inter se
maximè distantibus locis uno eodemque tem-
pore pugnare, vincere, triumphare videretur,
somni, & cibi, atque omnium deliciarum obli-
tus, unius immortalitatis memor. Tempus me
deficeret, si singula Regis facta, incredibiles
labores, vigilias, pericula, exponere aggredie-
rer. Quare, ut brevitati consulam, celeritatem
victiarum, quæ vim fortitudinis indicat, pau-
cis accipite.

Trajecit Rex cum exercitu Vahalim, &
Mosam, & Rhenum, Europæ notissima flumi-
na. Occupavit Velaviam, Bataviam, Telo-
nium, Zutphaniam. Cepit Arenacum, No-
viomagum, Skinkium, Trajectum inferius,
Castrum Sancti Andreæ. Atque, ut brevi-
ter dicam, quadraginta munitissimas ci-
vitates diuturnâ Hispanorum obsidione cele-
berrimas, totidem dierum spatio expugnavit.
Hæc omnia quis putet, aut uno mense ab om-
nibus imperatoribus, aut omnibus mensibus
atque annis ab uno imperatore confici un-
quam potuisse? qui viderunt oculis, vix cre-
dunt; qui narrant, admirationem movent,
fidem & expectationem superant. O fortunata
LUDOVICI MAGNI tempora, cuius non
anni solùm, aut menses, diésque, sed horæ
etiam,

etiam, momentaque singula victoriis consecrantur! Hoc profecto augurium est, fore ut, qui Lotharingiam uno die, Burgundiam unâ cädémque hebdomade, Bataviam ferè totam uno & altero mense occupavit; is uno aliquando possit anno terras omnes victoriis peragrare, rapidissimum cursum imitaturus solis, signa omnia cælestia duodecim mensium spatio percurrentis.

Emere nunc tandem è latebris, quæ te occultant, Insignis Josue, qui Soli tam turpiter illudebas; adeo non retardasti cursum Solis, ut etiam accelerares; accelerasti autem ita, ut Sol ille, quod est anteà inauditum, & menses, & dies annis ipsis multò longiores multitudine victiarum efficere videretur: hoc disce, Josue, hoc cogita, hoc time, & Solem cole.

Jam verò fortitudini Regis, cui flumina, venti, tempestates, obtemperaverint, quis negat fuisse quasi adjunctam divinitus fortunam? Quæ se terris tantùm continuisse ne crederetur; ita Regem sistebat & præsentem & victorem classi Anglorum, & nostræ, ut Comes Estræus hoc tacito Regis triumphantis tanquam Solis illapsu excitatus, stupenda fortitudinis exempla posteritati relinquenter. For-

D

tunæ tamen, quæ Principi Condæo tantum inviderit gloriæ, quantum nullus unquam imperator fuit consecutus, subirascor. Quanquam cedere te, Condæe heroum Maxime, unius LUDOVICI fortunæ oportuit; ut tuo sanguine imbuta victoria, multò inde vulgarior clariorque existeret. Erat olim Achilles, ut Poëtæ volunt, illo pede vulnerandus, cuius velocitatem tota Asia formidabat; tu victrice manu, quam palmis gravem non Europa solùm, sed ipsa etiam fortuna verebatur. Quòd præterea Longavillæum Ducem florentem ætate, fortitudine inclytum, imperiis destinatum, spem unam Maximæ Domûs, vis fati Galliæ eripuerit; hoc conqueror, hoc doleo, hoc propter vim doloris præterinitto.

Me tamen in- primis recreat Dux Aurelianensis, ut Regis frater unicus, ita Regi fratri tum sapientiæ, tum bellicæ fortitudinis laude omnino secundus; delectat intrepida Enguinæi Ducis in periculis virtus; reficit non mediocriter Principum Vindocinensium magnitudo animi, ætate atque expectatione major; me denique jampridem ad sese rapit, & quodammodo absorbet orationem meam Turenæus, ut Regi fidissimus, laborumque & consiliorum omnium particeps, ita rerum

contra Batavos præclarè gestarum gloriâ nunquam apud posteros moriturus.

O bellum! Auditores, bellum Regi æquè ac Gallis gloriosum! cámque maximè ob rem superioribus præliis anteponendum: Quòd si quis attentè consideret, aut trajectiones fluminum, aut urbium expugnationes, aut victoriarum celeritatem, aut hostium potentiam; nihil sapientius, nihil fortius, nihil felicius gestum unquam fuisse videatur. Aliis enim imperatoribus sapientia, aliis fortitudo, aliis felicitas defuit; iis verò, qui, quemadmodum olim Carolus Magnus & Henricus Quartus, ejusmodi naturæ fortunæque præsidiis usi sunt, quām longâ serie annorum, quām cruentis, quāmque repetitis sæpe præliis, ut hostes debellarent, opus fuerit, nec Poëtæ canendo, nec narrando Historici, nec Oratores exagerando satis assequuntur. LUDOVICUS autem MAGNUS absque ullâ retardatione, ac penè sine vulnere Batavos superavit. Nec verò anteà, cùm Reipublicæ Batavicæ fama non aliis sit inclusa limitibus, quām quibus maria omnia, terræque omnes continentur, triumphavit unquam Gallia gloriosius. Etenim, quoniam victores Batavorum sumus, nomen nostrum peragrabit regna omnia, rerūmque Batavica-

D ij

Restat igitur hoc unum , Auditores , ut
quæ pars est orationis altera , brevissimè osten-
dant , nunquam magnificentius de hæreticis
Religionem Christianam triumphasse.

Quibus olim laudibus ob res Ecclesiæ causâ
fortiter gestas , & Sancti Patres Constanti-
num , & Leo Magnus Theodosium , & Quar-
ta Synodus Martianum Imperatorem , & Su-
premi Pontifices mirum in modum Galliæ
Reges Christianissimos exornarunt , easdem
simul collectas , ut vobis omnibus videbitur ,
jure meritò possimus Victori Batavorum hæ-
reticorum LUDOVICO MAGNO imperti-
ri. Nam quæ præcipuè causa erat , cur alii
Constantinum , magnificâ quâdam ac singula-
ri voce , Communem Episcopum appellarent ;
alii Theodosio non Regiam solùm mentem ,
sed Sacerdotalem etiam animum gratularentur ;
ab aliis Martiano applauderetur & Imperatori
& Sacerdoti ; denique divino aliorum oraculo
Reges Christianissimi reliquis Principibus su-
periores prædicarentur , eadem nunc profectò
facit , quare augustissima illa nomina concedi
Regi oporteat. Nimirum hoc agebant , ege-
runtque semper imperatores de re Christia-

nâ optimè meriti, ut domitis hæreticis, Religione in libertatem assertâ, eâdémque cum dignitate propagatâ, in supremo gloriæ fastigio Ecclesia consisteret. Quem dignissimum animum idoneis Reip. Christianæ defensoribus non revixisse solùm in LUDOVICO MAGNO, sed etiam crevisse cognoscetis, si quibus primùm ex hæreticis Religio triumphum egerit singulari Regis beneficio, deinde quâm magnificè, servitutis excusso jugo, sit suis sedibus restituta, diligenter consideremus.

Quanquam te potius ipsam considera, Batavia infelix (ut verbo duriore abstineam) intelligésque profectò te multò, quâm olim hæreticos omnes, et si Religioni fuerint inimiciissimi, exitiosiorem fuisse.

Ut enim illam quasi infantiae tuæ labem omnibus annalium Belgicorum monumentis deploratam rursum non sine dolore animi commemorem; tu Religionem à majoribus cum tanto splendore traditam, quâmque te colere omni studio oportuit, domo ejecisti; illam tu optimam parentem è sedibus patriis palam & miserè deturbasti; tu tristes exulantis matris reliquias, ut liberi cum matre interirent, omni contumeliarum genere vexasti. Age enim, quid, ut res Christiana funditus everte-

D iii

retur, prætermisſe te tandem dicis? Ubi sanctorum hominum appensa de more Christiano imagines? Ubi cæremoniarum apparatus? Ubi sacra? Ubi aræ? delubra, sacerdotes, antistites? O scelus! O nefas! Hæc omnia, quibus maximè rebus Religio continetur, tam impie, quam crudeliter violasti. Quo verò scelere nihil ne in desertissimâ quidem barbarie excogitari immanius potest; tu quondam Amstelodami Christi Corpus irrisum, atrocissimis conviciis violatum, gladiis appetitum, importunæ militum multitudini dilaniandum impune reliquisti. Sinite me, Auditores, etsi me plura dicturum sim anteà pollicitus, luctuosissima illa Ecclesiæ tempora silentio prætermittere. Hæret adhuc infixus animo dolor; quem si rursum pro rei gravitate renovarem, tecta hujus Templi exhorrescerent.

Fuerunt igitur hæc initia hæresis Batavicæ, & quasi prima semina implacabilis illius in Religionem odii, ex quo tot tamque diversæ opiniones posteà pullularunt, ut in unâ Bataviâ renasci omnes hæretici cernerentur. Nam cum Ichonomachis imagines, cum Eunomianis rectè factorum necessitatem, cum Messalianis vim Sacramentorum, cum Lutherro autoritatem Summi Pontificis, cum Cal-

vino Eucharisticum Christi Corpus sustulerunt : ex quo quisque intelligat nullum unquam fuisse monstrum in terris ex tot tamque diversis inter se studiis conflatum.

Fuit quidem illud, quod dixi breviter, aliis quibusdam hæreticis cum Batavis fortasse commune, hoc verò maximè proprium, neque aut cum tyrannorum vexationibus, aut cum ullâ hæreticâ peste comparandum: quod Hæresiarchæ olim & Tyranni certis se locis continerent ; hi autem è paludibus suis, tanquam ex inferorum faucibus in omnes terras egressi omnia turpissimis in Religionem maledictis non sine incredibili rei Christianæ detimento polluerint. Testes sunt Sinarum, Japonum, Indiarum Apostoli, quorum in propagandâ Religione ardorem ut Batavi extinguerent, nec vim, nec copiam suffocantium aquarum, quas jam barbari homines paraverant, augendam esse putaverunt ; sed aquis, ferro, ignibus, omni suppliciorum genere atrociores contumelias excogitavere. Testes sunt in Canadensi regione, in Africâ, in Americâ sanctissimi illi rei Christianæ Præcones, quos isti, neque gloriæ divinæ, neque hominum salutis causâ, sed prædæ & lucri faciendi cupiditate incensos tanquam prædones,

speculatores, magicis artibus instructos, illuc adventasse palam dictitabant. Atque ut ex omnibus terris longè arcerentur Christiani Heroes; ut omnes omnino intercluderentur aditus; ut Religionis palam & privatim profitendæ facultas adimeretur; quos Magistratus, quos Principes, quos Reges non adie-runt? Quos dolos, quas artes, quæ menda-cia cogitando non affinxerunt? Testes sunt iterum atque iterum omnes oræ, atque exte-ræ gentes ac nationes, quas non tam hæreticæ pestis invehendæ studio, quam incredibili in Religionem odio ab amplectendâ doctrinâ Christianâ deterrere omni ope moliti sunt.

Atqui hanc gentem, quæ gloria Religio-nis summa est, hos Ecclesiæ hostes, hoc ge-nus Hæreticorum hominum, domuit Rex Christianissimus; & ita domuit, ut hac fatali domitoris manu acta in præceps videatur arx illa superbissima, quâ totius Hæreticæ Gentis salus, dignitas, gloria, si qua esse in hæresi potest, omnino nitebatur. Exsiccati tandem cœperunt ii fontes, quorum vis pestifera, & sinus, & freta, & oceanum prætergressa universum, puros integerimæ Religionis fon-tes ubique gentium corrumpebat: concussæ omnino sunt radices illius funestissimæ Arbo-ris,

ris, cuius rami longè latèque in omnes terras diffusi, cæli, solis, reliquorūmque astrorum aspectum subducere intuentium oculis nitebantur: concidit denique animus Hæreticæ Reip. quæ si moyeri rursūm, aut agitari vehementius, aut etiam minari cernatur, motus sunt gigantis luctantem animam extremūm exhalantis.

Nunc igitur jacet Hæresis Batavica demissis oculis, dejecto vultu, confecta tædio, quæ Deo, Religioni, Sedi Romanæ minitans, ubique locorum fastu importunissimo impune volitabat. Nunc Christianissimorum signorum aspectu pallet squalidiùs, quæ nunquam erubuit, erubescere semper debuit, propter corroboratam consuetudine audaciam vix unquam potuit. Nunc cibo potûque abstinet, quæ, ut ritus profanæ antiquitatis inter epulandum renovarentur, jejunia Ecclesiastica sustulerat. Nunc Batavia, quæ rebellionis in Religionem fax præcipua fuerat, undique innatæ circunfuso oceano, ut illa incendia, quæ vis hæretica excitaverat, fluctibus maris extinguantur. Nunc Amstelodamum inter aquas fluctuat miserè, tanquam navis lacera, ventorum tempestatūmque ludibrium, futura brevi tempore præda cuique obvia; quæ civi-

E

tas, cùm esset Imperii Hæretici sedes, & qua-
si altera Carthago Romano Imperio inimica,
Petri navem nunquam peritaram demergere
se posse confidebat.

En Imaginem Hæreticæ Bataviæ trium-
phantis ! En Babylonem cælo terrisque mi-
nitantem ! En Caput Reipublicæ Christianæ
formidandum ! Agnoscat nunc tandem super-
ba illa Babylon , & Deum è Cælo , & Re-
gem Christianissimum è Galliâ fulminantem :
séque ipsa , si potest , quæ nunc sit , & quæ
brevi tempore futura sit , intueatur . Vos ve-
rò , Auditores , quoniam , quod genus hære-
ticorum hominum Rex domuerit , hactenus
considerastis ; nunc , quâ ratione fuerit Chri-
stiana Religio in pristinam libertatem atque
dignitatem restituta , cognoscite .

Regi enim , cuius incredibile in hæreticos
odium , & sublata Calviniana autoritas in
Gallia , & eversa profana templa satis pro-
bant , nihil antiquius fuit contra Batavos pu-
gnanti ; quàm ut ex Hæresis Batavicæ ruinis
excitata Religio resloresceret . Intelligebat ni-
mirùm Religiosissimus Princeps , neque illud
regnum stare diu posse , quod Religione tan-
quam firmissimo fundamento minimè nitere-
tur ; neque feliciter & quietè regnaturum un-

quam eum regem, qui subjectas imperio gentes Christo Regum omnium Maximo non affereret. Quare non antè voluit agnosci se Victorem Regem, quām captiva Religio vinculis, servitute, vexatione diuturnâ, solvere-
tur. Ex quo siebat, ut lilia, quæ notæ sunt Regiæ Majestatis illustres, cùm appendebantur in ipso expugnatarum civitatum aditu, tum maximè Religionis etiam decora palam & cum apparatu erigerentur. Hinc jura Galliæ Gallus Præco, inde leges Christianas Orator Divinus promulgabat. Nec priùs Regis tormenta bellica, quām Religionis oracula audiebantur: hæc Christum cum Ecclesiâ Triumphantem, illa Victorem Regem terris omnibus nuntiabant.

Quā in re LUDOVICUS imitatus eos Christianissimos imperatores, qui sacerdotio imperium temperabant; ita se Regem in administrandâ Republicâ, ita se Imperatorem in regendo exercitu probabat, ut singulari rei Christianæ augendæ studio Sacerdotem, in templis consecrandis Antistitem, in autoritate Romanæ Sedis afferendâ quasi Pontificem alterum, ubique Regem Christianissimum ageret. Nec enim se, qualis est iure hæreditario, talem esse judicaret, nisi

E ij

augustissimas illas dignitates vicariâ quâdam virtute complectetur; eam præcipuè ob rem ratus armorum usum sibi à legum omnium autore Deo concedi, ut cum imperii finibus Religionis etiam limites propagarentur. Sceptrum, corona, purpura, regiâque omnia ornamenta, quæ Regibus tanquam divinarum & humanarum legum tutoribus divinitus tradita sunt, ut Supremo Numini & Religioni priùs, quàm Patriæ & Regno consuleret, animam Dei Religionisque capacem dies noctesque admonebant.

Quod etsi nobis, REX CHRISTIANISSIME, intellectum anteâ fuerit in multis, cùm olim modò Germaniam, modò Cretam, armis, clasibus, exercitibus contra Turcas adjuvares: tum maximè tamen, cùm missis ad te Victorem è domitâ Bataviâ legatis, qui pacis conditiones offerrent, tam Regiè, quàm Christianè respondisti, te de pace non esse acturum priùs, quàm aræ templis, templa sacerdotibus, sacerdotes Religioni, Religio suis sedibus, & Christo Domino redderetur.

O vocem! Auditores, vocem non homine solùm sapientissimo, & Christianissimo imperatore, sed ipso etiam Deo dignissimam! Hanc Superi cum plausu, hanc Roma cum gratula-

tione, hanc orbis terrarum cum admiratione, hanc posteri excipient æternis litterarum monumentis asservandam : hanc Christiani Princes, Reges, Imperatores, quorum autoritati & sapientiæ & fidei est Religio cum salute populorum à Deo commissa, non audiant solùm, sed etiam imitatione percipient : discantque cùm LUDOVICI MAGNI gravissimo iudicio, tum præcipue præclarissimo exemplo, rei Christianæ defensionem atque dignitatem suis vel offensionibus, vel commodis, vel gloriæ, anteferre. Quod ni faciant, Regium quidem nomen, Regia ornamenta, Regiam etiam potestatem sibi fortasse sument, munus & dignitatem nunquam.

Itaque, ut, quantùm imperio ex victoriis obveniebat gloriæ, tantùm Religio acciperet incrementi: dum LUDOVICUS MAGNUS urbes, arces, propugnacula Batavica, Galliæ adjungebat; Cardinalis Bullonius, nihil Peronio, nihil Richelio, nihil Rupifucaldo, nihil Polo Anglo Cardinale, seu scientiâ, seu perspicacitate ingenii, seu prudentiâ, seu pio in Religionem affectu inferior, polluta templa expiabat, consecrabat profana, parum dociles populorum animos partim nominis famâ, partim oris majestate, partim summarum

E iii

virtutum illecebris, Deo, Religioni, Regi, omnino conciliabat. Ac cætera quidem, quæ ubique gerebantur, et si tantum haberent admirationis, quantum magnificentiæ: nihil tamen fuit aspectabilius, quam quod Trajecti ad Rhenum positi, atque in præcipuis urbibus accedit; ubi Christi Corpus cœpit primùm circumferri tanto pompæ apparatu, tam frequenti militum, præfectorum, ducum, principum multitudine, tam festis populi gratulationibus, tam celebri tormentorum bellicorum explosione, ut, nec Constantinopoli Constantini temporibus, nec Parisiis Carolo Magno regnante, nec ubique terrarum imperante Theodosio, Religio unquam magnificientius triumphaverit.

E latebris enim suis Catholici Batavi, qui publico caruerant propter iniquitatem temporum, ut olim è speluncis Christiani homines post diuturnam vexationem, prodire cernebantur: nec ætas quenquam, nec valetudo, nec sexus retardavit, quominus unà omnes hujus tam inopinati spectaculi imagine mentem atque oculos satiarent. Hoc parvuli visere, adolescentes admirari, senes ostentare; ægri etiam ipsi suorum morborum obliti, in conspectum Christi tanquam ad publicæ salutis fontem adrepere: alii hoc viso triumpho

se vixisse satis, alii sibi nihil amplius in ter-
ris expetendum prædicabant. O dignum Re-
ligione triumphante spectaculum, inferis me-
tuendum, stupendum hæreticis, Christianis
victoribus gloriosum, prodigo nihil absi-
mile!

Erat enim anteà Religio instar cujusdam
mortui cadaveris, quod tecto & parietibus
tanquam sepulcro inclusum, nec luce am-
plius frui solis, nec ducere spiritum posset;
cujus luctuosissimum silentium, interclusa vox,
sopitæ aures, caligo oculorum, squallor, tri-
stissimam quandam mortis imaginem præ se
ferrent; cui, si quid superesset vitæ, hoc id-
circò concedebatur, ut quod est ipsâ morte
acerbius, perciperet sensum diuturnæ calamiti-
tatis. Nunc verò, quod præter omnem ex-
pectationem accidit, hoc ipsum cadaver cen-
tum abhinc annis quodammodo sepultum, è
latebris, è tumulo, è pulvere Rex Christianif-
simus fuscitavit. Nunc luce vocéque restitutâ,
ita prodit in publicum, ita loquitur, ita vivit,
ut uno eodemque die se revixisse pars magna
Bataviæ sentiat, & miretur Christianam: non
absimilis homini, cui à primâ pueritiâ captivo
cælum, lux, patria, libertas, salus, improvi-
sò restituerentur.

Porrò reviviscentis Religionis celebritas tanta fuit, ut jam nec templa caperent multitudinem, nec Eucharistici pabuli esset satis magna copia, nec orandi modus ac finis. Homines cogita, quibus aut fame confectis exquisitissimorum ciborum copia subministraretur, aut siti enecatis fontes uberrimi occurrerent, aut divitiarum cupiditate flagrantibus auri atque argenti fodinæ concederentur.

Ac certè, ut primùm Orator divinus è loco superiore loqui velle visus est, cœpítque Christi, Mariæ, Sanctorūmque omnium inaudita priùs nomina invocando deprecati; superos, aras, templum, sacros parietes redditæ libertatis testes compellare; suum Religioni, sacerdotibus, virginibus, redditum in Bataviam gratulari: vox amica concionatoris, tanquam cœlestis cuiusdam medici sanitatem ægroto gratulantis, in aures totius concionis suaviter illapsa, tam variis, quàm repentinis motibus omnium animos occupavit: ut præ gaudio Matronæ ingemiserent, pueri è collpendentes collachrymarentur, nurus in suspiria erumperent, reliqua vulgi multitudo lætitia, stupore, admiratione, suspensa, tot rebus partim audiendis, partim videndis, partim cognoscendis, vim omnem aurium, & oculorum,

rum, & mentis, imparem fateri videretur. Nec enim in tanto hujus celebritatis splendore mirari satis omnes poterant, qui esset cæreniarum apparatus, quæ Sacerdotalis dignitatis gloria, quod decus Ecclesiæ, quæ Religionis majestas, quæ pompa, quæ species, quæ magnificantia rei Christianæ.

Atque huic tantum splendore in cum latibus suis, hanc libertatis imaginem cum diurnâ servitute dum conferebant taciti, mutuisque inter se sermonibus de tam repentinâ, tamque prosperâ rerum mutatione disserebant: hunc diem, quo restituta esset Religio, anteactæ vitæ præponendum, mandandum litteris, posteritati transmittendum non affirmabant modò, sed etiam LUDOVICUM MAGNUM hujus diei autorem, esse meritò Patriæ Parentem, & quodammodo salutis publicæ Deum appellandum contendebant. Hoc patresfamilias, liberis auscultantibus prædicare, hoc præter cæteros in communi omnium ordinum lætitia percipere fœminæ; cùm se, cùm liberos, cùm familiam intuerentur, suisque usurparent oculis, & cui Principi cives, & cui Imperatori milites peperissent. Jam patria, amicitiae, consuetudines, res familiaris, reliquæ fortu-

F

næ, perinde acsi omnibus iis jamdiu caruissent, ut est ægrotis recuperata valetudo jucundior, ita multò acceptiores, quām anteā, videbantur.

Itaque omnes quidem nunc in iis regionibus Regem tanquam aliquem è Cælo delapsum admirati, credere tandem illud incipiunt, quod multis nationibus jam falsò memoriam prōditum videbatur, Galliæ Reges meritò Christianissimos appellari. Patentürque ipsi ultrò omnium, qui anteā extiterunt, instar sibi esse LUDOVICUM MAGNUM, cuius victoriæ non carcerem, non servitutem, non cædes, sed præsidium, libertatem, salutem denunciarent; cuius in ore, in fronte, in vultu, expressam quandam Supremi Numinis imaginem, in factis verò Religionem Christianam quodammodo triumphantem intuerentur; cui servire mallent, quām reliquis nationibus imperare.

Mirabantur enim tantum in supremâ potestate rerum omnium modum, tam singularem sapientiam, tam inauditam inusitatamque clementiam, fidem, justitiam, religionem. Quas virtutes ita commendabant, ut, quod olim dixit Orator de Constantino, Deo se putarent obsequi, cùm ei Regi obtempera-

rent, cuius tam augusta maiestas, quām certa divinitas cerneretur. Quamobrem alii palam dictitabant tempora Constantini Magni, & Theodosii revixisse; alii contendebant Regem Religionis causā plura nunc agere, moliri difficiliora, majora præstare & polliceri; alii eum suis majoribus multò superiorem prædicabant: Clodoveum quidem in Galliā Religionem Christianam excitasse, excitatam amplificasse Carolum Magnum, amplificatam Ludovicum Sanctum exornasse, denique Iustum omni gloriā exornatam cumulasse: LUDOVICUM verò MAGNUM, qui Religionem in externis regionibus captivam pristinæ libertati reddidisset; qui non Rupellam unam, sed quadraginta civitates Christo consecrasset; qui non Saracenos, non Saxones, non Longobardos, sed Batavos Ecclesiæ atrocissimos, & potentissimos hostes domuisse, Religiō de hæreticis triumphanti gloriam immortalem & majorem peperisse.

Quare, ut finem dicendi faciam, REX CHRISTIANISSIME, si Constantini, Theodosii, Caroli, qui Magni appellati sunt, nunc temporis in terras redirent, nullā de re potius Ecclesiæ gratularentur, quām id ipsum magno à te studio agi, præstarique, quod suis

F ij

44 LUDOVICO MAGNO PANEGYR.

ipſi armis moliebantur : nimirūm , ut non in regno tuo ſolūm , ſed in omnibūs etiam terris Religio reflorescat. Ut mihi proptereā nunc etiam Clodovei, Caroli Magni , Ludovici , & quotquot olim ſolium Christianiſſimum iuſtiā & ſanctitate ornarunt , in cælo lātari , Deoque de recenti victoriā gratias agere videantur ; quas tibi profectō , ſi coram addefent , quòd cum regno animum Christianiſſimum fuſceperis , teſtarentur maximas : ac ſe , credo , eam ob rem agnoſcerent inferiores , quòd domitā debellatāque Bataviā , omnium Hæreticorum arce præcipuā , tum ad reliquā Gentem Hæreticam exſcindendam , tum ad Religioniſ hostes omnes ubique terrarum profligandos , te natūm eſſe intelligent.

Te verò tua Gallia , quæ plus uno & altero mense gloriæ , quām diuturnis majorum tuorum imperiis eſt conſecuta , te , inquam , agnoſcit , ſapientiā Regem , fortitudine Imperatorē , felicitate Heroem ; ſapientiā , fortitudine , felicitate MAGNUM. Ac cūm , te quidem duce , hostes Galliæ & Religionis concident , tum , dum vives , florescet Religio , triumphabit Gallia ; æternūm cum utrāque triumphabis.

[D I X I.]

Th
5796